

佛說浴像功德經

唐天竺三藏法師實思惟譯

如是我聞一時薄伽梵在王舍城鷲峯山中與大苾芻眾及與無量諸大菩薩摩訶薩俱尔時會中有一菩薩名清淨慧作是思惟以何因緣諸佛如來得清淨身又復念言若佛

在世親近供養及滅度後供養舍利此二種人所獲福德功德齊不作是念已承佛威神從座而起頂禮佛足白言世尊諸佛如來以何因緣得清淨身若佛在世親近供養及滅度後供養舍利此二種人所獲福德其功德等不尔時世尊告清淨慧菩薩言善哉善哉

汝今乃能為未來世諸眾生故發如是問汝當善聽我今為汝分別解說尔時清淨慧菩薩白言唯然世尊願樂欲聞佛告清淨慧菩薩言諸佛如來為求菩提於往昔時所修三昧戒定忍辱智慧慈悲喜捨解脫解脫知見力無所畏一切佛法一切種智悉皆清淨是

故如來得清淨身又以華香幡蓋而以供養復以香水浴如來身復以寶蓋弥覆其上以諸飲食鼓樂弦歌讚詠如來以此功德迴向一切種智所得功德無量無邊乃至得成無上菩提何以故如來智慧無量無邊不可思議所有功德亦復如是清淨智慧我滅度後

有二種舍利一者法身二者化身若善男子善女人等供養舍利造佛形像如大麥等造塔如菴羅菓表刹如針蓋如浮萍持佛舍利如芥子大安置其中所得功德如我在世等無差別如是之人得十五種功德一者得清淨念心二者得順法心三者得慙愧心四者

得見如來五者發淨信心六者能持正法七者如說修行八者得親近諸佛九者諸佛國土隨意受生十者若生人中生大姓家其心柔軟人所敬重十一者纒生人中得念佛心十二者諸魔軍眾不能惱乱十三者於末法時能護正法十四者常得十方諸佛如來恒

加覆護十五者速得成就五分法身今時世

尊而說頌曰

若以清淨心

或造於塔廟

掃塗漫陀羅

以諸妙香水

於如來滅後

及如來形像

以種種華香

而浴於佛像

供養舍利者

於彼塔像前

散布於其上

上妙諸飲食

淨持以供養

智慧及神通

今時清淨慧菩薩聞佛世尊說是偈已而白

佛言世尊若佛在世及滅度後未來世中諸

衆生等云何浴像唯願如來爲衆生故開示

演說佛言清淨慧如佛在世諸衆生等發起

淨心於佛滅後亦應如是不作執空有想於

諸善品心懷渴仰不生疲厭何以故爲成就

如來法報身故我已曾爲汝說四真諦法十

二因緣六波羅蜜我今爲汝說浴像法諸供

養中最爲殊勝善男子若欲沐像應以牛頭

栴檀紫檀多摩羅香松芎藭白檀鬱金龍腦

沉香麝香丁香以如是等種種妙香隨所得

者以爲湯水置淨器中先作方壇敷妙床座

於上置佛以諸香水次第浴之用諸香水周

遍訖已復以淨水於上淋洗其浴像者各取

少許洗像之水置自頭上燒種種香以爲供

養初於像上下水之時應誦以偈

我今灌沐諸如來

五濁衆生令離垢

燒香之時當誦斯偈

戒定慧解知見香

願此香烟亦如是

今時世尊說是法已衆中有無量菩薩摩訶

薩獲得清淨無垢三昧即從座而起無量天

人得不退轉無上菩提今時阿難白佛言世

尊當何名此經我等云何奉持佛言此經名

爲洗浴諸佛得身清淨應如是持說是經已

一切衆會皆大歡喜信受奉行

佛說浴像功德經

佛說浴像功德經

佛說浴像功德經

佛說浴像功德經

女八

